



21897

III

Mag. St. Dr.

P

*ventura.**is.*

*Barankowicz Mastini; auspiciata festorum
pontificalium omnia.*

PANEG. et VITAE

Polon. Fol.

N^o 700.

A

P

7LL

B

M

D

E

ad S

in

M

S

An

AVSPICATA
FESTORVM
PONTIFICALIVM
OMINA

ILLVSTRISSIMO, ET REVERENDISSIMO D. DNO,

BONAVENTVRÆ
DE NIEDZIELSKO

MADALINSKI,

DEI, & Apostolicæ Sedis Gratiâ,
EPISCOPO PŁOCENSI,

ad Solennem Cathedræ Płocensis ingressum,
inter festos publicæ lætitiæ applausus,
officiosissimi cultûs & gratulationis

ergò,

A

MARTINO BARANKOWIC
Scholæ Cathedralis Płocensis Directore.

DEDICATA.

Anno Salutis, M DC LXX IV. Die VIII. Septembris.

CRACOVIAE, TYPIS VNIVERSITATIS.

IN GENTILITIVM INSIGNE,
ILLVSTRISSIMI, & REVERENDISSIMI PRÆSVLIS.

*tu præsulum
pyri rymian herbui
noivite hater.*



21.897 III

Quàm Tibi felices, Præsul Madalinus annos!
Spondeat, & quantis sæcula plena bonis.
Læta Tiaratum recipis dum Plocia Sponsum,
Sacrum Præsulci Scemmatis, omen habe:

Ve possit de Te summa Virtute mereri,
Pastoralis ei cura, laborque placet.
Exemplo, Verboque gregem, dum pascere curas,
Vomeribus geminis pascua culta dabit.



ILLVSTRISSIMO, & Reuerendissimo Domino,
DOMINO,
BONAVENTVRÆ
DE NIEDZIELSKO
MADALINSKI,
Dei, & Apostolicæ Sedis Gratiâ,
EPISCOPO PŁOCENSI,
Domino, & Patrono Amplissimo.



D gaudia publica, quæ Præsuleos Honores Tuos undiq̃ circumstant, festosq̃ Orbi Polono ignes accendunt, ex umbris literatis progredi, Palladis quidem officio decorum censui; Sed à summa luce non confundi, supra ingenij mei captum existimavi. **ILLVSTRISIME & REVERENDISIME PRÆSVL.** Hærebat pronus ad utrumq̃, animus, nunc gaudijs intermixtus, nunc Amplitudini impar; æquè gradum ad publicam lucem promouens, æquè retrahens; cum ei nec contineri permissum, nec prodire securum, lata simul, & anxia misceret; ac inter festas undiq̃ acclamationes, immodici conatus mens conscia reclamaret. Intrabas cogitantis animum **PRÆSVL OPTIME**, incomparabili virtute, mansuetudine, benignitate, desiderijs, omnibus maior; & mirâ suauitate *TV Æ*, imbelles etiam calamos ad obsequium prouocans: Sed idem occurrebas, meritum, & gloria *TV Æ* magnitudine, tantò eminentior; quantò infra *TE* ingenia omnia longius reliquisti; quibus ad ea, quæ hæcenus egeras, pari calamo assurgere inconcessum. Rapiebat in Panegyres *TV AS* amica Musis pectora, Spiritus ille; qui in *TE* simillimum aliquid, ex Oraculis Sapientie agnoscebat; ibantq̃ in occursum Tuum, mille gaudijs delibuta, vectigalesq̃ Honori *TV O* Muses; quæ apud *TE*, in amoribus semper, & delicijs fuere; Sed eadem ipsa Sapientie Maiestas, quæ incitamento fuerat, dum claritudinem *TV A M* propius intuentur, oculos intuentium reuerberabat. Sic inter Sacrum, quod aiunt, & Saxum hærenti, dubiam animi litem diremit tandem; & inuincibilis illa publici gaudijs necessitas; quam ex desideratissimo aduentu *TV O* conceptam, nemini effugere licuit; & incredibilis illa Pontificia *TV Æ* Humanitatis gratia, & dulcedo; quæ non stimulos tantum ingenio dedit, sed manus propè iniecit; ut difficilius omnino videri posset, corde potius, quod *TE* in delicijs ferret, quam voce quæ *TE* loqueretur, carere. Veniebas nimirum ab Augusto publici splendoris Theatro, post tot Maximarum Virtutum exempla, post tot merita, post tot collata in *TE* à Serenissimis Polonia **REGIBVS** decora, eius Nominis ac gloria Pontifex, & Senator; quales sibi Cathedra

Ptoensis Praefules, quales Respublica Senatores, ab omni auro exoptasse visa est. Capacissimum proinde latitiae sinum ita Tibi parabat; ceu in TE omnem retroactam Magnorum Praefulum seriem, & omnia cum ijs gaudia, exceptura foret; cum omnium in TE exempla, & solatia sibi polliceretur. Praecedebat amplitudinis TV & Pontificia praecelsum illud decus, & maxime authoritatis pondus, incredibilis illa erga Omnes benignitas TV A; qua TIBI, non Cathedra tantum Ptoensis, sed intimos etiam corduciam de TE excitasses, manus etiam literatas animares? quidni summa claritudo TV A, qua intima animorum subibat, Musarum recessus penetraret? eliceretq; paratam hanc Honoribus TV IS, ex umbratili quamvis ingenio lucem. Datum id a me publica latitiae argumento; datum iustissimis, & supra omne ingenium euectis Laudibus TV IS; datum deniq; Venerationi in TE, & literatis Honoribus ALME MATRIS MEE VNIVERSITATIS CRACOVIENSIS; cuius ego quamvis hic minima portio, & fontis illius limpidissimi, exiguus riuulus sim; id me tamen agere oportuit, quo constaret, quanta Nominis TV I reuerentia, quanta gloria amplitudo, in fonte ipso sit. Habet in TE summam claritudine, & antiquitate ILLUSTRIS MADALINIVS SANGVIS TVVS dignam Gentilitijs Vomeribus Tiarata gloria messem; habet Respubl: probatum amplu functionibus illibata fidei, & consummata prudentia decus: habet Ecclesia, confirmatum tot experimentis Sanctimonia, & Vigilantia Paforalis exemplar; qua auspicatorum de TE Ominum, seges est sane amplissima: sed & Vniuersitati quoq; Nostra, felicius de TE auguriorum, oracula non desunt; ex quibus spem omnino securam concipit; quod eam paternè complecti, dignum Sapien- tissimo PRESVLE, & Senatore, opus censebas, quam Sapiencia Matrem agnouisti. Expandit illa TIBI aliquando, literata gloria sinum; ut gratia, & Protectionis haberet; pectus illud, & os aureum formans; quod pro se, digna auro aureo Oracula loqueretur. Hoc de Pontificia, & Senatoria Purpura TV A, intra cuius Protectionem admitti censeriq; exoptat; dum Res Literaria haud dubie sibi promittit; huc etiam impares quamvis curas meas impulit, ut auspicia TV A, voto, & applausu prosequi, victura ad Posteror, Musarum erga TE venerationis interesse putarem; conscius quidem augustius de TE loqui, maximis non nisi ingenijs licere; sed in publica latitiae theatro, ex plausu non agnosci etiam minimis nefas esse. Obsidem ergo bona spei, calamum hunc, qui Honoribus TV IS, in obsequium cessit; ne modico, quem ex se habet, spiritu, seruanda immortalis gloria TV & impar sit; celsissimam illam mentem TV A, animabis MAGNE PRESVL; quam ingentium ex TE gaudiorum, vitales ubiq; Spiritus excitasti. Fauebuq; Ominibus de TE auspicijs, ex quibus VENTURA felicitas TV ipse Maxima es; quam ante Vota adimpleas, dum supra omnium gaudia & desideria amabilior venis. Nobis hoc coram aeterna Maestate supplici voto, pro TE agentibus; ut quem TE nunc in oculis, & delicijs, Solenni ingressu TV O ferimus; nunquam ex cordibus nostris dimissum, post exaquatam meritis TV IS aetatem, Posterorum Cordibus, ad Optimorum Praefulum exemplar imprimamus.

Illustrissimæ, & Reuerendissimæ

Celsitudinis Vestrae,

Humillimus Cliens,

MARTINVS BARANKOWIC.

FESTORVM PONTIFICALIVM

ex illustri Sanguine,

OMEN I.

Animorum prima gaudia,
non minùs votorum, quàm curarum fœcunda,
nunquam magis præsagia sua verentur,
quàm cum maximè feruent.

Mens futuri sollicita, hilares Gratias minuit;
tantùmquē à vero gaudio distat, quantùm matutina à meridie vmbra.

Nempe diluculum omne anxium,
lucem quidem explicat, sed diem plenè non serenat;
cum inter sudum & nubila, spem promiscuam verset.

Etiam inter lætissima inquieti sumus;

Si auspicati Ominis Sponsore careant;
genio nostro, ex particula diuinitatis sic inclinato;
Vt cum scire non liceat secutura, liceat saltem augurari.

Delphos, Cortinas, & Euandri Matres,

& quidquid Oraculorum tripodem sapit;

Augurum Collegia, Haruspicum responsa,
exta, & fibras omnes, hoc vnum instituit, & inspexit;
quod prospicere velimus, quæ retrò sunt;

Ne pronæ in terras animæ, & cælestium inanes,
dum quantùm inter os, supremaque labra distat, non capimus,
futurorum improuidi, in ijs tantùm; quæ obuiam venêre, hæreamus.

Absoluit nos hac curâ,

Votorum ferax, felicitatis suæ conscius, securus gaudij,
ipse sibi, & Delphi, & Phœbas, ipse sibi, & Vates, & Oraculum,
non Tuus tantùm, sed bonorum omnium Tecum,

B

ad Spon-

ad Sponsam Tuam, MAGNE PRAESVL aduentus;
Auspicata Omina, non inquirimus, sed tenemus;
auspicatissimum ex Te ipso,
quòd cùm BONA omnia feras, VENTURA etiam promittas.

Gaudemus cum Sponsa Tua,

æquè præsentium, ac imminentium ex Te gaudiorum securi;
Sponsore Te ipso Maximo, quia Sponso;
qui antequam ad Sponsam Tuam venisses, iam in corde fuisti;
illudque expertâ iam bonitate Tuâ fecisti,
Præfulei ante Muneris COADIUTOR, quàm PRAESVL;
Vt Sponsa Tua, gaudia ex Te, non tam præfagiret, quàm haberet.

Notum in Te delictum suum excipit;

& tamen quàmuis iam ante nota gaudia, nouissima putat;

Virtutum Tuarum gustu,

qui cùm desideria non tam impleat, quàm prouocet;

Semper noua gaudia facit.

Ponimus ergo curas auspiciorum de Te,
plenoque iure, gaudia nostra possidemus;
quibus, quòd mansura sint, quidquid hætenus transegit,
Virtus Tua ingens Vadimonium dedit.

Non distrahimentes nostras, sollicitis de Te Ominibus,

Sed totas in Te colligi postulas;

Vt pleno votorum sinu recipiaris, cùm plenus meritorum introeas;
bonorum omnium de Te, auspex maximus,

quòd Virtute creuisti.

Hæc nobis, diuinum pro Te, ex tripode responsum;

hæc auguriorum summa, & amussis;

quæ victimis otiosa tantû non adstitit, vt aliena viscera obseruaret;

Sed in Vsum Ecclesiæ, & Patriæ sua effudit;

ac vel ideò diutiùs mereri voluit;

Vt rem potiùs, quàm spem, ad honores afferret.

Serum quippe, & præposterum est;

tum demum spem polliceri, cùm destinata rebus præmia tollimus.

Celeusmate in portu Oceano illudit, qui non nauigauit;

Sym-

Symplegades, & Acroceraunia frustra ridens, quæ nontransijt
Vdus, & Nauteam olens, cùm de Neptuno loquitur;
Osdigito signet, qui nuper Caietâ soluit.

Impleuisti, Magne Præsul, rebus Tuis,
quod nos Spebus de Te maximis, polliceri potuimus;
maluisti quæ, tantus esse, quantum Te Spes publica posceret,
quàm expectari.

Anteuertens vota laboribus, & id ubique agens;
Vt quamuis splendidissimis Natalibus orti,
illustrius ex Te gentilitij VOMERES Tui splenderent.

Non venisti in alienam segetem,
quamuis Tibi, tot sæculis MADALINIVS Sanguis laborasset;
vt Latifundia meritorum haberes;

Sed Patrimonium auitæ gloriæ Tuæ, ita recepisti;
ceu nihil ad Te, præter Magnarum Virtutum exempla pertineret;
quæ in Tuis non computasti, nisi expressisses.

quid quid à Maioribus Tuis sago, togaque gestum est,
gratias egisti Fastis, quod seruassent;

Sed nefas putasti de Tuo non addere;
quod Cedris, Fastisque dignum, Posteris seruaretur.

VOMERES TUOS, à PIASTEO æuo deductos,
Septem annos sæculares, in facie publica impleuisse,
inter antiquitatis Tuæ splendores recensens;

illud tamen splendidissimum æstimas;
Gentilitium hoc ferrum Tuum, à continuo septem sæculorum vsu,
sanè tersissimum,

ita recentibus meritis Tuis expolire, ceu nihil ante Te egisset.

Æuum illud omne, quod ad Te deductum est,
conflatum ex gladijs in VOMERES pacis, sacrum fecisti;
coronas triumpiales, quas Mauortius sanguis, in Maioribus Tuis respererat,

Tiarâ pacis coronans.

Iuerant illi, in viscera hostium gladijs,
profundiùs, quàm Vomerēs in viscera terræ;
non minùs suæ, quàm hostium vitæ prodigi;

Sed Tibi sacratius negotium placuit,
non scindere corda, sed Deo vnire; & si fortè scindi ea oporteat;

Vulnera cordium, ostia Deo facere.
Ad hoc opus pulcherrimum vocati,
Diuinam animorum culturam, VOMERES Tui aggressi sunt;
qui nunquam in summis è domo Tua Viris, otiosi fuere.
Antequam cultus animi ad Sarmatas venisset;

Ferrum hoc inclaruit;

ac vel ideò, deuotam vsibus Martijs excoluit terram,

Vt Viros germinaret;

quos non inuidet etiam Conso, Themidiq̃ue, Bellona;
Ne ex gemino VOMERE, non vtrâque Cues prodirent.

Acies hîc vtrâq̃; & consilij, belli,
& sapere, & vincere docta, Magnos vsui publico dedit,

Cæsares, & Catones;

quorum in Atauis, Ausq̃ue Tuis, sæculum remotius,
quàm ferax fuerit;

Præsens, in Patruis, Patruelibusq̃ue Tuis, docuit.

ALEXANDRI MADALINSKI, Iudicis Terræ Vielunensis,
Iustum, & sapiens pectus,

ad Tribunal, & Comitia Regni, Arcopagam sapuit.

IACOBVS MADALINSKI, Tribunus Miscislauensis,

Martis deliciae, Moschi terror;

Magnitudine animi, supra pericula eminens, dum hostes non computat;

Ferro famem, Smolenscum grandi negotio absoluit;

Operis sui coronam, Palatinum Smolenscensem habiturus;

Nisi VLADISLAI IV. designationi Regiæ,

Mors aliud diploma subiecisset, quod Rex Regum subscripsit;

Vt decora ex se virtus, absq̃ue honoribus, purius emeret.

Fecit Magnos ad immortalitatem gradus,

Et IACOBVS alter MADALINSKI,

Legionum Exercitus Lithuanici sapius Ductor,

transfixo quamuis tormenti ictu pede;

iuitq̃ue Spartanâ virtute ad mortem,

quam.

NICOLAUS MADALINSKI Pincerna Vielunensis,
contra Cosacos, & Scythas, ad Zborow, magno pectore hausit;
lætus

Lætus occumbens,

quòd feruiles, barbarasque animas docuisset;
quàm pronus, & alacer, pro Deo, & Patria,
liberrimi cordis spiritus euolaret.

Quodsi, cum his inter vulnera, & mortes,
seuera cogitatio terret;

Placidiùs ij veniant, quos pax aurea coronat.

ALEXANDER MADALINSKI, Succamerarius Vielunensis,
ipsa Ciuilis elegantiae, norma;

MARTINVS MADALINSKI Capitaneus Præmisliensis,
Nectar animorum, & ipsa Siren,
Politissimi cordis illicium, & vinculum dulce,
Nobilitati Polonæ, tam dilectus;

quàm,

IOANNES MADALINSKI, Abbatiae Landensis Administrator,
omnium pectoribus inuulceratus;

Qui,

duorum Regni Primatum responsa,
ore Præfuleo, dum loquitur;

Theodosiensem Infulam, & Suffraganeatum Gnesnensem,
itâ meruit;

Vt semper maiora mereri, & cuicunque honori in desiderio esse,

Summâ Virtute visus,

excelsius titulis omnibus nomen possederit.

ADALBERTOS TRIBUNOS, STANISLAOS Subdapiferos Vielunenses,

SIGISMUNDOS, SEBASTIANOS,

& alia spectatissimæ virtutis, claritudinisque MADALINSCIAE Nomina,

Satis loquitur, omnium gloriæ plena in Te possessio.

Magnam indolem, vim ingenij, cogitationes excelsas,

Oculum mentis in luce publicâ irretortum,

& quæ claræ propaginis decora sunt;

Necessitatem Ducis, ponere in Summo.

Hetruscos ergo vates,
Velatosque capite, cum lituo suo, Augures non poscimus;
Ut quâ parte, cæli regio, auspicijs nostris faueat, designet.
Natale decus Tuum Sufficit,
quod in Gentilitijs VOMERIBVS Tuis, labores terræ,
ad cæli negotia transfert.
Fauet cælum, si opus ferueat,
Sulcoque attritus, velit splendescere VOMER,
& si cultura non cesset, sudores laborantium grandinant gemmis.
Manum mittens ad opus Præsuleum,
Non respicis ad ea retro;
quæ ex illustri Sanguine præcesserunt;
Securus eorum, quæ gesta sunt, securissimum putas, gerere.
Ita non tam claudis agmen Maiorum, quàm decora colligis;
Nec altiùs eueheris, vt infra Te relinquas;
sed euectos Tecum: ceu gemmas in Tiara nonis.



FESTORVM
PONTIFICALIVM,

Ex Summa Virtute, & Meritis,

O M E N II.

Diuinam in Oraculis Fidem,

Non alius, sanctior recessus, mereri potuit,

Quàm virtutis.

Frustra hæc omnia, si illa Sacris non præsidet,

Ex quibus felicitatis publicæ successus quæritur.

profanum quippè fortunæ numen adorantibus,

Pares victimis euentus.

Rapit illa credulos, vt in lubrico deferat;

Vilemq; escam, sub aureo spei hamo occultat;

vt fidentiùs, quos decipit, lactet.

Virtutis adyta consulentibus, aures sæpè tinniunt,

cùm blanda non respondet.

Austerior illi genius, & duro sub cortice tectus.

Vox à Diuæ huius Cortina, nulla frequentior,

Quàm mereri.

Hoc est demùm fiduciæ sigillum,

hæc sacra bonæ spei anchora;

non trepidare ad responsa, sed ex meritorum conscientia,

securum animi dictamen circumferre.

Apis Ægypti, Crocodili, Dracones,

ab hominibus ad auspicia culti,

Opprobrio generis humani, tam certa responderunt;

Quàm certum est,

Augustum, ranis ne in vicino lacu coaxarent, imperâsse.

Brutum, & miserabile est, sic augurari;
Vt cum hominem agas, reptilia interrogas;
Sensu vndiquaq; terreno, & a casu pendente;
Cum virtus ex destinato veniat.

Hæc Tibi Diua respondit,
MAGNE PRÆSVL.

Iam tum in secreto cordis, cum Te ad arcana cæli vocauit;
Ventura Tibi Felicia,

Cum optimam, in Domo Domini partem elegeris.
ad Sanctuarium hoc formarunt Te,
Dilectæ primùm, cultissimo pectori musæ;
cum dote maxima, ad Regum Palatia ituræ;
quod sapientiæ decus, mentis innocentiam consecrasses.

Felici ingenio,
Volucres intelligentia alas;
sed & modestiæ sensum, ita adaptauit;
vt plus semper in Te lateret, quam prodiret;
eruditæ lucis fonte, tantò vberius in se collecto;

Quantò moderatiùs appareret.

Sinum animi profundum, non ad latebras cogitationum,
ex quibus ancipites sensus prorumperent;

Sed ad Augusta Regum Negotia; quæ Te expectabant,
arcano maiestatis parasti:

Mirâ Tecum, destinationis ex alto serie;
quod ab integerrimo Principum,

S E R E N I S S I M O olim,
CAROLO FERDINANDO

Poloniæ, & Sueciæ, Principe,

Vratislaviensi & Płocensi Episcopo,
inter Curiales sacer esse,
ceu à virtutis sacrario caperis.

Innocentiam hic ipsam habitasse,

rem

rem inter homines raram, inter splendores Aulicos squalentem,

Aulæ pietas, & Sanctimonia probauit;

ipso Principe, virtutis lydio lapide;

à quo probari, satis fuerat ad innocentia Crijfim.

Manipulus ille IAGELLONIVS,

Bonæ mentis aristas, elegit, & dilexit;

leues paleas procul habens;

quas non alibi, aura popularis facilius corripit,

Quâm Infula.

Placuit illi, ex operoso VOMERE Tuo,

matura in Te, & frugifera virtus,

Digna Regio manipulo, ex electo grano arista;

Cui ne Oraculum deesset, Vatem ex Principe fecit.

Diuinum sæpe Organum est,

Sacer, mansuetus, & illibati pectoris Princeps;

qui vt diuinas in terris vices, sanctius implet;

ita non humano spiritu, quæ captum mortalem excessere,

altiori spiritû, certius loquitur.

Mens CAROLI Principis, Vnita Deo,

Hoc de Te præsensit; quod eiusmodi solent;

qui non minus Maiestate, quâm Pietate,

Segregati à vulgo,

Mentem cælo viciniùs tollunt.

Terna illa Benedictio,

quâ supra ritum quidem, sed non extra arcanum diuinum,

Mystes ad Aras abundasti;

cùm Deus numero impare gaudeat,

Parem Te aliquando futurum, qui Tertius,

post CAROLVM Principem, Plocensis PRAESVL fieres,

præsignauit.

Nempe à Manipulo IAGELLONIO,

non longius VOMERES Tui distare debebant;

D

qui

qui pro manipulo laborant;
approbante Deo, quam à CAROLI Principis corde, non distabas;
quam à pietate non recedis;

qui ei tam propè successisti,

Vt solùm non nisi Fasciæ GEMBICIANÆ vinculum
inter Te, & Principem, intercedat, quod Te illi arctius coniungat,

Habet ille iam, ex oraculo sua gaudia;

Si quæ, gaudiorum è terris, Oceano illi gutta accedit;

Sed & LESCZINIVS Primas Regni,

in fastigio illo, ex quo immortalia prospicit;

Est vnde, immortalis censuræ suæ gratuletur;

quod iudicium de Te suum Insula coronet

quam Serenissimus olim

IOANNES CASIMIRVS

Poloniæ, & Sueciæ REX,

Augustâ manu ad Te derulit

vt Fratris Oraculum impleret,

A tanto Principe, ad maiestatis secretiores primùm literas delectus,

qua fidei integritate, quo prudentiæ sensu,

Venerabile animi Tui secretum, Regiæ mentis depositum feceris,

Alexandri ad Hefestionis os dilectum,

pretiosâ annuli gemmâ non est opus.

Notâsti verba, signâsti Principum mysteria:

& vt priuilegium intaminatæ fidei reciperes;

Gazam Principis, & Reipublicæ, pro Diplomate accepisti.

Diploma hoc signabit æternum

quântæ puritatis, animus illè fuerit.

qui inter ærarij tenuissima retia

Subtilesque auri pedicas, innocentiam tutam vt haberet,

mentis lcoriam ab auro non admisit:

Tam sacer ad Regni Thesaurum,

vt ab eo, ad Cælestium in terris dispensationem;

qui fidus Principi, & Regno Administer fuerat,

fidus

fidus Deo Pontifex futurus transferit.

Regum hæc ingens gloria;

quòd IOANNIS CASIMIRI, & MICHAELIS,

Augusta in Te, non erubuerit purpura;

à quâ, in Ecclesiæ Patriæquè Senatum Lectus;

Orbi Polono testaberis semper; quam non pæniteat Reges,

Virtutem procul ab ambitu positam honorâsse,

Sinceri fructus Iudicij hic est,

Posterorum Iudicia non vereri,

Prorogavit beneficio ætatem, qui digno contulit;

gratias ab omni ævo habiturus;

Quòd gratiam non amiserit, quam bono publico dedit.

Eam in Te agnoscimus PRÆSVL,

Prodimusq; obuiam virtuti, quæ summos honores meruit,

dum nullos ambiuit.

Pulcherrimum Tibi, Sponsæ Tuæ auspiciatissimum,

quòd maximo apparatu, merita Tua, ante Te prodeant;

Nullo spectaculo, inter Solennia Tua gratiore;

quàm quòd applausum non extorques, sed mereris.

Festus hic Dies,

Qui Cathedram Plocensem luce nouâ coronat,

Lætitiâ habet tam sinceram;

quàm ebur illud mentis Tuæ, niueum est;

Quod à simulatis artibus, in palæstra artificiosæ politiæ,

illibatum seruâsti;

Vt in specula Pastoralis, morum, & vitæ speculum haberetur.

Ingreditur Tecum,

Comitatus ille, qualis Præfules decet;

Pietas nimirum, Sanctimonia, Vigilantia, Zelus.

Ex quibus Sponsa Tua intelligat;

quo ornatu eam incedere velis;

Cùm Sanctitudo Tecum, quæ Domum Domini decet, procedit ut Regnet.

Auspicatorum ergò, de Te Ominum secura,
 Votorum, & gaudij plena,
 ruit in amplexus illos, descendens Tibi de Cælo,
 Sponfa;
 quos magnitudine meritorum Tuorum expandisti;
 corq; suum dilatat, vt introeas,
 qui à corde Principum venis,
 Exspectant Te Vota omnium, & sæcula illa felicia;
 quæ sub Auspicato Nomine Tuo, VENTURA spondet,
 dùm Pastor bonus prouides;
 Vt ex abundantia, benedictionis Diuinæ,
 quæ super labores Manuum Tuarum descendit,
 Fiat Odor Sponsæ Tuæ:
 Sicut odor Agri pleni;
 Cui benedixit Dominus;
 Cùm de Rore Cæli, & de pinguedine Terræ,
 Vomeres Tuos sæcundos,
 Tiarâ Pontificiâ,
 CORONAVIT.



J. XXII. 57.

a,

lit,

Biblioteka Jagiellońska



stdr0017226

